

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

**Broj:** 14-02-04-01995/20  
Sarajevo, Maj 14. 2020. godine

**SKUPŠTINA KANTONA SARAJEVO**  
(*Na pažnju, predsjedavajućeg, Mirze Čelika*)

**PREDMET:** *Odgovor na zastupničko pitanje broj: 01-04-10308-28/20 od 23.04.2020. godine, postavljeno od strane zastupnice Neire Dizdarević - dostavlja se;*

Kantonalna uprava za inspekcijske poslove Kantona Sarajevo, dana 30.04.2020. godine zaprimila je zastupničko pitanje postavljeno od strane zastupnice Neire Dizdarević na 24. Radnoj sjednici Skupštine Kantona Sarajevo održanoj dana 23.04.2020. godine koje glasi:

" Zbog informacije koja se pojavila u medijima, da se na Bjelašnici, lokalitet Babin Do, izvode građevinski radovi izgradnje apartmana bez poštivanja epidemioloških mjera vezanih za pandemiju corona virusa, kao i nepoštivanje ostalih zakonskih mjera poput ograđivanja gradilišta, nepropisnog miniranja i slično, molim da ODMAH izvršite inspekcijske nadzore i obavijestite me o utvrđenom stanju. "

**ODGOVOR**

Nakon što je zaprimljeno naprijed navedeno zastupničko pitanje, dana 08.maja 2020. godine izvršen je timski inspekcijski nadzor na lokalietu Bjelašnica, Babin do.  
Nadzor je vršen od strane kantonalnog sanitarnog inspektora na okolnosti poštivanja epidemioloških mjera, kantonalnog inspektora rada u oblasti zaštite na radu na okolnosti poštivanja



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

mjera iz oblasti zaštite na radu , dok je od strane federalnog rudaraskog inspektora nadzor već bio ranije započet.

U postupku inspekcijskog nadzora izvršenog od strane kantonalnog sanitarnog inspektora konstatovano je slijedeće:

U momentu vršenja inspekcijskog nadzora, na gradilištu radove su izvodili radnici društva "Vektor Interga" doo Sarajevo. Na građevini je zatečeno 16 lica (građevinskih radnika) i sva zatečena lica su nosila zaštitne rukavice (radne rukavice), na licu nisu imali zaštitne maske, a ista se nalazila u đepu radnog odijel svakog radnika. Na usmeno izdato upozorenje od strane inspektora, radnici su iste stavili na lice.

Obzirom da se radovi izvode na građevini koja ima cca 4000 m<sup>2</sup>, uposlana lica su podijeljena u dvije grupe, na dva odvojena objekta čime je onemogućen bliski kontakt i ostvarena socijalna distanca veća od 1.5 m.

Društvo "VEKTOR INTEGRA" d.o.o. Sarajevo je obezbijedila smještaj zaposlenim licima na lokalitetu Općine Istočno Sarajevo sa ciljem da im ograniči kretanje za vrijeme pandemije izazvane virusom Covid-19.

Po radnike svako jutro dolazi kombi i odvozi ih na gradilište i vraća ih sa gradilišta. Na ulazu u gradilište se nalazi trijažna prostorija u kojoj se vrši dezinfekcija ruku, obuće i odjeće. Nakon završenog radnog vremena, "trijažni" postupak se ponavlja i radnici se odvoze na adresu trenutnog boravka. Kombi koji se koristi za prijevoz radnika se redovno dezinfikuje, predočena potvrda od ovlaštene firme Dezitox-sanitarci d.o.o. Sarajevo od 21.03.2020. godine.

Subjekt nadzora je predočio namjenska sredstva koja se koriste za dezinfekciju ruku Hygienic Pro, proizvođača For Eks BH d.o.o. Tuzla, rok upotrebe 03/23, dezinfekciju radnih površina-dezinfekciono sredstvo Dezificijens, proizvođača Al Hana, rok upotrebe 05/21 godine, kao i dovoljnu količinu maski i rukavica.

Inspektor rada u oblasti zaštite na radu je izvršio inspekcijski nadzor na mjestu izvođenja radova i tom prilikom konstatovao da je izvođač radova propisno i u skladu sa zakonskim odredbama postavio zaštitnu ogradu u cilju sprječavanja nekontrolisanog pristupa ljudi i slučajnih prolaznika na gradilište, da je postavio table sa znakovima upozorenja "Opasnost na gradilištu", te istakao informacije o objektu u izgradnji ( namjena objekta, spratnost objekta, podaci o investitoru, podaci o izvođaču radova i nadzornom organu) u skladu sa zakonskim propisima.

U momentu inspekcijskog nadzora, radove na iskopu građevinske jame je izvodila firma "Drinjaković" doo. Od izvođača je zatraženo da ovoj inspekciji dostavi dokumtaciju vezanu za gradilište što je od strane predstavnika ovlaštenog organa i učinjeno.

Inspektoru je dostavljen Elaborat teehnologije i organizacije gradilišta poslovnog objekta "Apartmani Babin do Bjelašnica" kao i urbanistička saglasnost i građevinska dozvola izdata na ime investitora, društva "Gozva" doo .



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Pored navedenog inspektoru je pružen na uvid i Elaborat za izvođenje bušačko-minerskih radova na lokaciji SRC Bjelašnica od strane društva "Rudex" doo od 06.05.2020. godine čiji je sastavni dio dokaz o ispunjavanju uslova za obavljanje djelatnosti bušačko - minerskih radova. Prema izjavi izvođača radova, bušačko-minerskim radovima se moralo pristupiti zbog tvrdoće stijene.


Nakon uvida u dokumentaciju, postupajući inspektor je konstatovao da izvođač radova ima svu potrebnu dokumentaciju za izvođenje ove vrste radova.

Shodno nadležnostima, nadzor u dijelu koji se odnosi na deminiranje izvršen je od strane federalnog rudarskog inspektora, koji je u usmenom razgovoru sa glavnim tehničkim inspektorom izjavio da za izvršeno deminiranje, izvođač radova posjeduju svu potrebnu dokumentaciju. Od federalnog rudarskog inspektora zatražena je pisana informacija, za koju je isti izjavio da će biti dostavljena nakon povratka sa godišnjeg odmora koji trenutno koristi.

S poštovanjem,

Dostavlja se :

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



DIREKTOR

Fahir Halilović



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb